

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzei Cawjbanh: Gvangsiah Minzcuz Bause Geiz neix 8 banj
Aenhauh okbanj: CN45-0036 B.2024 Nd.6 Ng.12 Liggaueq gyapsaenz nienz ndwenngux cocaet Geizsoq: Gungh daih 3626 geiz

Gvangjsih Couqmaenh Gij Eiqsik Caezcaemh Cunghvaz Minzcuz Lizsij Vwnzvacanj Youq Nanzningz Cingqsik Guh

6 nyied 8 hauh banhaet, Gvangjsih Couqmaenh Gij Eiqsik Caezcaemh Cunghvaz Minzcuz Lizsij Vwnzvacanj haimuqsik youq Gvangjsih Minzcuz Bozvuzgvanz guh, baez langhbaiej neix dwg Swcigh Vwnzva Caeuq Lij-youzdingh, Swcigh Minzcunghveij lienzhab cawjbanh.

Guh baez langhbaiej neix, dwg gij banhfap youqgaenj gih raeuz nyinh-caen hagsib gvancez gij swhsiengj vwnzva Siz Ginbingz, gij swhsiengj youqgaenj gvendaengz gyagiengz caeuq gajindei hong minzcuz Siz Ginbingz cungjsuhgi, haeujlaeg gvancez gij fanghloz iugouz hungnaek

Siz Ginbingz cungjsuhgi naeuz Gvangjsih, netsaed doicaenh hwnqguh aen gih guhyiengh couqmaenh gij eiqsik caezcaemh Cunghvaz Minzcuz, dwg gij saedguh gizdieg vwnzva haeujlaeg hengzguh couqmaenh gij eiqsik caezcaemh Cunghvaz Minzcuz, haenqrenz cauhlaeb aen gyaranz cingsaenz caezcaemh Cunghvaz Minzcuz, gyagiengz baujhoh cienzswnj vwnzva yizcanj, fatyiengz vwnzva ciuhgeq maenhndei Cunghvaz, haeujlaeg son'gyauq lwnhgangj couqmaenh gij eiqsik caezcaemh Cunghvaz Minzcuz.

Baez langhbaiej neix faen baenz

“caez hai diegguek gvangqlangh” “caez raiz lizsij gyaeraez” “caez cauh vwnzva ronghsag” “caez ganq cing-saenz minzcuz hungmbwk” seiq bouhfaenh, langhbaiej miz huqcaen, dozfaenz, aeu dohmeizdij bae daej-niemh daengj, langhbaiej le gak minzcuz Gvangjsih coengh goengrengz hung hawj guhbaenz caeuq hwnqfat Cunghvaz Minzcuz, aen gungdungzdi Cunghvaz Minzcuz, Cunghvaz vwnz-mingz, lwnhgangj gij gojgaeq mizyinx gak minzcuz Gvangjsih caeuq gak minzcuz dieg wng dox baedauq doxyau doxyungz, langhbaiej le ndaejdaengz Dangjcunghyangh lingj-

dauj cinjdeng caeuq minzcuz cwng-cwz dangj ronghlwenq, aen gizmen Gvangjsih minzcuz doxgiet, aenbiengz onjdingh, bien'gyaiq anningz ndaej mboujduenh gyamaenh hwnqfat.

Ciuq cam rox, langhbaiej yaek laebdaeb daengz 2024 nienz 10 nyied, gvaqlaeng yaek bae Vuzcouh, Liuj-couh, Gveilinz, Yilinz cunz baij. Mboengq langhbaiej lij aeu giethab langhbaiej laebdaeb guh “cehceh caezhoz veh gyaranz” bouxyawj dox-doeng, “gip aen' anq gej duenz cien bi” bozvuzgvanz saedgingj heiqbonj daejniemh daengj hozdung.

(Liengz Yivaz Vangz Yinz)

Aen Hozdung Yenzdauj Yawjngonz Sonhag Sawcuengh Vahcuengh Daengx Gih Bi 2024 Youq Gveigangj Guh

Mboengqneix, aen hozdung yenzdauj yawjngonz sonhag Sawcuengh Vahcuengh daengx gih bi 2024 youq Gveigangj Si Cinzdangz Gih guh. Baez hozdung neix dwg Swcigh Gyauyuzdingh cawjbanh, Nanzningz Si Swhfanz Dayoz Codaengj Gyauyuz Yozyen ciepbanh, Gveigangj Si Cinzdangz Gih Gyauyuzgiz bangbanh. Miz 120 lai boux gyauyuzyenz Sawcuengh Vahcuengh caeuq lauxae Sawcuengh Vahcuengh daengx gih 39 aen yienh(si, gih) hai miz dangzgoq Sawcuengh Vahcuengh de daeuj caeuqfaenh baez hozdung neix.

Hozdung neiyungz miz lauxcangh gyangjcoz, dangciengz yawjngonz hwnjdangz, langhbaiej aendoih sonhag, caez lwnh gij gingniemh hwnjdangz Sawcuengh Vahcuengh, faencuj gangjgoj bingz dangzgoq, lauxcangh diemjbingz daengj.

Baez hozdung neix ndaej hawj daengx gih gak yienh(si, gih) hai miz dangzgoq Sawcuengh Vahcuengh de doxlwnh gingniemh sonhag, damqra aen vunqsik moq sonhag Sawcuengh Vahcuengh, ndaej daezsingj lohnaemj guhhong sonhag Sawcuengh Vahcuengh, gyagiengz son'gyauq minzcuz doxgiet baenaj, caenh'itbous couqmaenh gij eiqsik caezcaemh Cunghvaz Minzcuz.

(Cinz Souhwngez)



▲ Lauxsae cingq hwnj dangz Sawcuengh Vahcuengh.

Guh Faengx Homfwd Coux Co'ngux Minzcuz Doxgiet Caez Vuenghhoengh

6 nyied 7 hauh, Lozcwngz Mulaujcuw Swciyen Swbaj Cin Aen Sizgensoj Vwnzmingz Seizdaih Moq caeuq Swbaj Cin Menzvah Cunh comz gak minzcuz vunzlai daeuj guh aen hozdung ceiqnyienh fugsah “aen ciet raeuz • Duenngux” guh faengx homfwd caemh cienzeingz.

Mwh hozdung gyoengq boux ceiqnyienh caeuq gak cuz vunzlai doxcaez guh faengx, angqvauvau.

Caezgya lij angqangq yangzyangz raed ceij Mulaujcuw guh aen cawjdaez dwg Ciet Ngux Nyied Co'ngux dem, vunzlai aen mbanj neix gvenq youq Ciet Ngux Nyied Co'ngux raed ceij, dwg vunzlai aen mbanj neix maqmuengh cienzswnj ndei vwnzva ciuhgeq caeuq ndaej gvaqngoenz gyaunde.

Ciuq cam rox, aen cin neix lij laebdaeb guh baenzroix hozdung coi minzcuz doxgiet baenaj,

damqra “dangjgen + vwnzva ciuhgeq” “ngoenzciet + feihyiz” daengj vunqsik, haiguh engq lai vwnzva hozdung miz minzcuz cauh'eiq caeuq vunzlai haengj dingq gyaenz yawj de, fatyiengz minzcuz vwnzva maenhndei, caenh'itbous couqmaenh gij eiqsik caezcaemh Cunghvaz Minzcuz, coi gak minzcuz dox baedauq doxyau doxyungz.

(Vuz Cing Cinz Mozliz)